

高上玉皇宥罪寶懺



《主科》三跪九叩

# 清壇讚

琳琅振響 十方肅清 河海靜默  
山嶽含煙 萬靈鎮伏 招集群仙  
天無氛穢 地無妖塵 冥慧洞清  
大量玄玄

《主科》放下手爐

轉取如意

# 淨水讚

天泉一派流河海淵澄

指揮法界無垢塵

帝闕巍峩通傳奏清淨瑤壇  
大聖清淨智海天尊大天尊

《主科》放下如意

轉取水杯

## 敕水文

窃以水者崑崙孕秀河漢流芳蓮花香裏  
波寒楊柳枝頭甘露洒徧蓬島三山對浥  
曹溪一帶長流鼓祥風而玉聚千江汎濫  
而良兌四瀆禹門春暖透千層北海秋風  
傳萬里蕩萬劫之昏濛永護一切之清淨  
去穢真言謹當奉誦七寶池中功德水河  
沙諸仙法運通我今灌洒誦真言能使會  
筵嚴潔淨

用劍指寫 天一生水

清清法水 日月光華

中藏北斗 內隱三台

神水洒穢 濁去清來

常清常淨 大天尊

(淨天地解穢咒)

天地自然 穢氣分散 洞中玄虛  
晃朗太玄 八方威神 使我自然  
靈寶符命 普告九天 乾羅怛那  
洞罡太玄 斬妖縛邪 度鬼萬千  
中山神咒 元始玉文 持誦一遍  
卻鬼延年 按行五嶽 八海知聞  
魔王束手 侍衛我軒 凶穢消散  
道炁常存 急急如律令 (常清常淨天尊)

《主科》放下水杯

轉取如意

《主科》三跪九叩

## 玉皇讚

稽首皈依天中尊 妙相光明如月輪  
歷觀諸天持世界 普施法力濟群生  
蠢動含靈咸得度 四生六道盡沾恩  
我今稽首皈命禮 志心稱念玉皇恩

〔跪〕

(主白)

眾弟子等。誠惶誠恐。稽首頓首。  
百拜奏啓。伏聞穹蒼闡教。宏宣  
濟拔靈文。太上垂科。廣設懺修  
寶筏。人孰無過。法許自新。恭惟  
高上玉皇。大天尊闕下。極億劫

勤修苦行。巍巍難名。積千生普  
利大願。蕩蕩無際。祥光下燭。黑  
夜盡消。香霧騰敷。沈流頓起。謹  
涓吉旦。汎治法筵。酌水饋花。瞻  
天仰聖。恭對道前。皈依敬禮。

# 志心皈命禮

玉清聖境。清微天宮。鬱羅蕭臺之  
中。森羅淨泓之上。現有為梵相。具  
無極神通。敷演真玄。破有無色空  
之礙。拯提趣類。絕智愚高下之分。  
妙用難窺。靈機罔測。大悲大願。大  
聖大慈。無量度人。元始天尊。

# 志心皈命禮

上清真境。禹餘天宮。紫微瓊台之中。  
玄都玉京之上。接元始虛皇之統系。  
超西那玉國之根苗。入黍米珠。盡挹  
眞玄精粹。在香林苑。屢談<sup>物</sup>要<sup>全</sup>筌蹄。  
妙德難思。神通莫擬。大悲大願。大  
聖大慈。無量度人。靈寶天尊。

# 志心皈命禮

太清仙境。大赤天宮。巍巍金闕之高。  
渺渺重霄之上。降生於無量數劫。說  
法於萬二千天。五千秘言。融三才妙  
道。八十餘度。接六趣眾生。聖德崇  
高。玄功廣博。大悲大願。大聖大慈。  
無量度人。降生天尊。

# 志心皈命禮

妙有真境。彌羅上宮。朗曩時現國王之  
身。即根本帝尊之質。始相湛寂。實  
至玄至妙以難言。嗣位繼傳。妙無等  
無倫而相踵。總聖父之慈悲父。至尊至  
最上尊。稱讚難窮。皈依莫盡。大悲  
大願。大聖大慈。光嚴妙樂國王。聖  
父天尊。

# 志心皈命禮

妙有真境。彌羅內宮。慈顏烜卷春日之  
和。懿言範凜秋霜之肅叔。純全梵炁。先  
天地以素存。化現妙身。歷后妃而示  
應。具一炁胚胎之始。寓帝身生化之  
殊。萬化祖根。眾生慈母。大悲大願  
大聖大慈。寶月光皇后。聖母元君。

# 志心皈命禮

紫金闕。白玉玉京。住妙有之境中。  
處玄真之天上。功成道備。故妙相卓  
冠於諸天。心廣體胖。故慈光徧燭於  
三界。位尊而上極無上。道妙而玄之  
又玄。真聖宗師。天人依仗。大悲大  
願。大聖大慈。穹蒼聖主。玉皇大天  
尊。

# 志心皈命禮

光嚴國內。妙樂土中。聖母凝神。夢  
於虛無。道君授玉質於恍惚。慈愛和  
遜。弗貪萬乘之尊榮。忍辱仁柔。不  
憚<sup>彈</sup>億劫之修累。功高無比。德重難  
踰。大悲大願。大聖大慈。現無量功  
德之身。玉皇大天尊。

# 志心皈命禮

尊居帝位。高處天宮。徧游於一切白  
玉京中。普現於十方黃金闕內。定而  
能應。去來自在以無拘。合而可分。  
變化圓通而莫測。演清靜解脫之道。  
濟沉迷憂苦之徒。自然而然。非識可  
識。大悲大願。大聖大慈。現清淨自  
然之身。玉皇大天尊。

# 志心皈命禮

昔為王嗣。苦建玄功。三千餘劫之修行。有如一日。億萬生靈之拯度。廣及十方。雖法身由胎臟之胚暉<sub>運</sub>。諒聖體由道原之變化。不壞不滅。杳亡杳存。大悲大願。大聖大慈。現神明堅固。不壞真空。無上法身。玉皇大天尊。

# 志心皈命禮

清微天上。太玄玉都。知時至而舉六  
通力。分法身而徧十方界。如無邊鏡。  
上天下地悉昭融。出大妙音。六道四  
生皆解脫。表以放光之瑞相。明茲本  
行之勝因。蕩蕩難名。巍巍無上。大  
悲大願。大聖大慈。分身應化。玉皇  
大天尊。

# 志心皈命禮

北極真空。尊居無上。本行皆難行之  
苦行。是身即清淨之道身。棄國出家。  
施財寶而捨玉體。濟幽及顯。宣正化  
而揚神功。教菩薩而悟大乘。證金仙  
而入妙道。爲慈悲父。誠大丈夫。大  
悲大願。大聖大慈。玉帝應身。清淨  
自然覺王如來。

# 志心皈命禮

清微境內。寶蓋會中。憂世同心。越  
班俱起。究邪障隔礙之因。得惡趣報  
應之故。敷宣妙義。屢歎寶經難逢。  
爲說偈言。切戒至道輕泄。持誦証十  
二真身。供養獲三十功德。大悲大願  
大聖大慈。慈悲度厄<sup>知</sup>真人。尋聲救苦  
真人。濟生度死真人。萬福護身真人。

# 志心皈命禮

清微天中。勝會道場。馭八景鸞輿。  
詣七寶玄苑。承玉帝神威。化成寶蓋。  
奏玄歌妙樂。香噴法筵。幽顯聖凡。  
普沾德澤。天人神鬼。咸被慈光。門  
五品而先一品。居九天之第八天。啟  
白玄尊。稱揚上帝。大悲大願。大聖  
大慈。經筵啟問。高虛清明天主帝君。

# 志心皈命禮

清微境內。寶蓋會中。憫凡夫短景。

悲劫運將傾。請披靈蘊。詣偽金闕而諮支

禁戒之儀。恭對慈顏。出玉篇而受光

明之咒。安鎮神靈。生成兆庶。捧帝

圖之秘簡。保萬炁以常存。大悲大願。

大聖大慈。天地始祖。五老上帝。

# 志心皈命禮

清微境內。寶蓋會中。啟金闕玄尊。  
詢玉皇功德。一心瞻仰。歎至道之難  
聞。十號讚揚。欣慈顏之希有。天寶  
靈符。十方三界盡霑恩。玉律金科。  
四生六道皆藉福。眾聖騰歡。諸天共  
慶。大悲大願。大聖大慈。法筵啟問  
玉虛上帝。

# 志心皈命禮

清微境內。寶蓋會中。爲眾生開利益  
之門。感上帝興方便之意。恩澤三界。  
一切苦難盡消除。命敕十方。凡有持  
經皆覆護。巍巍大范。無極無窮。疊美  
疊歌辭。難思難議。申揚秘密法言。  
普令清眾咸悟。大悲大願。大聖大慈。  
經筵啓問。昊天上帝。

# 志心皈命禮

清微天上。寶蓋會中。挺生於浩劫之  
初。輔翊<sup>亦</sup>於玉清之化。得玄炁而爲體。  
掌神咒於靈都。一丈天書。累經劫運。  
以不毀。五方雲篆。隨置混濁而愈清。  
發露機緘<sup>監</sup>。源流符印。大悲大願。大  
聖大慈。自然大仙。天真皇人。

# 志心皈命禮

清微天中。光明座下。爲度眾生。現  
殊妙形體。曾蒙太上。示明了法門。  
游聖域而聽法音。侍御前而經億劫。  
以大慈心大悲心。覆護下民。同清淨  
信清淨解。成無上道。身香所及。眾  
願悉成。大悲大願。大聖大慈。夜光  
玉女一切元君。

# 志心皈命禮

清微境內。寶蓋會中。從十方而來覲僅。  
知至理之本同。飛香旋繞。謹傾心而  
作頌。雨花徧覆。敬稽首以揚言。闡  
無上真宗。含靈普福。播玄微妙法。  
罪業悉消。大悲大願。大聖大慈。四  
眾八部。大乘菩薩。梵天一切真仙。

# 志心皈命禮

清微天中。光明座下。親究於不二法  
門之旨。侍宸於舉六通力之先。揚煙  
散花。有此靈童玉女。清齋建節。無  
量飛天神王。贊詠浮空。流霞徧照。  
大悲大願。大聖大慈。九千萬人。諸  
眞聖眾。侍衛左右。妙行真人。

# 志心皈命禮

清微天上。寶蓋會中。班同來集十方。  
名在真經四品。聆方便利益之事。俱  
發宏願。推覆護受持之意。如愛己身。  
總三光五嶽群真。集天上地下眾聖。  
大悲大願。大聖大慈。遵奉帝敕。護  
持經人。周流法界。神仙兵馬。無鞅  
聖眾。

# 志心皈命禮

清微天上。寶蓋會中。嘗面睹於慈光。  
亦親聆於妙法。以本行經教。萬代傳  
流。俾後世民生。一心持誦。惟聖聖  
相承之師匠。使源源不絕於人天。大  
悲大願。大聖大慈。傳經示懺。歷代  
祖師。神仙聖眾。

# 志心皈命禮

玉光境內。寶蓋會中。奉上帝之敕命。  
作三界之慈航。幹或運四時。主張造化。  
覆護受持。是此經者。滿足所欲。如  
是願心。十方帝君。諸仙聖眾。神仙  
兵馬。十極神王。二曜九星。三官四  
聖。五方星斗。四天門王。周天聖眾。

二十八宿。降魔金剛力士。飛天神王。  
大神。四海九江。五嶽四瀆。山林川  
澤。井泉溝渠。十二河源。一切王者。  
法籙吏兵。城隍社令。樹木神眾。土  
地靈官。護戒護壇。護經護醮。道筵  
應感。一切真靈。

(眾和)

眾弟子等。竊念自從元始至於有生。  
縱一心以妄作。致百罪而俱罹。貪嗔。  
癡愛靡刻不萌。美殺盜邪淫無時克淨。盟  
非藉懺謝之法。喝曷叨赦宥之恩。敬然  
道德真香。冀氤氳而上達。冒干重玄。

天聽。希<sup>日</sup>肸<sup>享</sup>蚩以潛通。仰望上帝慈憐。

高真哀憫。採一念之精誠。釋從前之  
業累。歷劫眷緣。共偕脫離苦趣。十

方品彙<sup>匯</sup>。普同洗滌愆尤。伏願暫離金

闕。遙駐浮空。洞鑒下情。曲垂洪造。

披陳疏意。〔起〕

【二手叮叮 全體經生 三跪九叩】

〔跪〕

## 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

〔起〕

(讚)

《主科》三跪九叩

玉皇功德。玄理幽深。一十七大放光  
明。玄座寂無聲。喜慶難言。斷障出  
紅塵。

《二手》朝禮

玉皇赦罪大天尊 「三稱」

玉皇大天尊玄穹高上帝 「三稱」〔跪〕

(主白)

《主科》放下如意

轉取手爐

眾弟子等。稽首皈依。謹炷眞香。虔  
誠上啟。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐

轉取如意

(眾和)

恭望天慈鑒弟子懺悔。伏聞玄苑幽居。元始升光明之座。化身來集。玉皇演本行之經言。往昔時。有妙樂國王號淨德。后寶月光。爲慮儲嗣之乏。傳敕道流而徧禱。已經半載。不退初心。感太上道君。與諸至尊。駕五

色輦<sup>念</sup>。抱一金容。毫孔放光。宮殿改  
色。從皇后之懇請。賜太子上聖以繼  
承。生而神靈。長而慈善。人歌謠於  
有道。化浹<sup>接</sup>洽以無為。既捨國以付大  
臣。遂入山而修至道。行藥治病。助  
國救人。初乃證於金仙。後方成於玉  
帝。昔未曾有。嘆莫能窮。弟子等曠

劫受恩。累生蒙化。恨以愚迷之性。  
積成深重之愆。敢不懺陳。以干原赦。  
爰仰遵於教典。庸力致於悔思。祈斷  
障以消愆。冀禳災而集福。隨心滿願。  
證聖成真。方茲懺法之宣行。首望真  
仙之降臨。庶蒙哀憫。遂獲感通。伏  
願 世界俱同琉璃。仙眾皆乘金碧。

九色瓊輪之輻輳<sup>奏</sup>。十絕羽蓋以飛揚。  
靈風奏樂以相和。寶花成蓋而徧覆。  
鸞嘯鳳唱。龍戲麟盤。悉翔舞於天端。  
咸下臨於凡世。俾天人而悅慶。獲罪  
咎以蠲除<sup>捐</sup>。倘副禱祈。曷勝至幸。弟  
子等下情無任。瞻望天威。供俟<sup>其</sup>降臨。

之至。誠惶誠恐。稽首頓首。注想尊  
容。諒沐垂光。謹依經言。高虛清明  
天主。所說偈章。以伸讚歎。  
〔起〕

金闕玄穹主 高上玉皇尊  
妙相冠諸天 慈光燭三界  
眞聖妙道師 天人依仗師  
大乘垂法語 眞一指迷途  
功德若虛空 讚揚無窮盡

〔跪〕

(主白)

《主科》放下如意

轉取手爐

啟懺已周。恭對道前。同伸贊嘆。

眾弟子等稽首頓首皈依。虔誠上啟。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐

轉取如意

(眾和)

弟子等伏聞。聖德無窮。不容紀讚。  
凡情有感。當盡稱揚。妙見妙知。固  
無等倫。大慈大悲。有希哀憫。爰按  
經而稱述。庶隨念以皈依。一十號強  
名。未可讚嘆名之號。十七光雖盡。  
豈能窮無盡之光。大而曰天。天亦豈

擬其倫。極而曰道。道則皆從所出。  
雖金口尤莫能盡。豈塵世所可得知。  
姑<sup>隻</sup>摭經言。以揚聖德。伏願口宣一  
善。在心之眾善皆生。聲讚十名。滿  
籍之罪名皆落。仁愛和遜。隨而增長。  
智慧辨才。漸可圓成。與諸有情。証  
無上道。弟子等下情無任。懇祝之至。

普與過往祖先。見存眷屬。塵寰品彙滙。  
長夜幽魂。傾倒虔誠。皈依信禮。〔起〕

志心皈命禮

玉皇大天尊玄穹高上帝

志心皈命禮

舉六通力 放大光明

玉皇大天尊玄穹高上帝

(以下每一句稱此和天尊聖號各一拜)

白玉京中

黃金闕內

七寶玄苑

大光明殿

光明座上

聖中最尊

清淨第一

身寶光燄

色相妙好

幼而敏慧

長而慈善

仁愛和遜

功成超度  
割愛學道  
行藥治病  
拯救眾生  
廣行方便  
恢宣正化  
敷揚神功  
助國救人  
行忍辱故  
普放神光  
現希有相  
是穹蒼主  
浩劫之尊  
妙見妙知  
無等無倫  
湛寂真淨

杳亡杳存 上聖上靈  
大神通 光明藏  
大丈夫 開化人天  
教導無窮 大慈大悲  
流煥法輪 玄理幽深  
生浩劫前 運化古今  
號最上乘 威德希有  
無量功德 清淨自然

大神通光	神智妙達	普垂教法	應現隨方	具大神通	神妙巍巍	名聲周徧	神明堅固
大慈悲光	莫可度量	開悟後人	利濟群生	分身變化	多劫行化	無幽不燭	威靈恢廓

大喜捨光  
大平等光  
大自在光  
大如意光  
大吉祥光  
大皈依光  
大圓滿光  
無能勝光

大忍辱光  
大柔和光  
大利益光  
大智慧光  
大解脫光  
大功德光  
大無礙光  
穹蒼眞老

妙圓清淨  
智慧辯才  
至道至尊  
三界師  
混元祖  
無能聖主  
四生慈父  
高天上聖  
大慈仁者  
十號圓滿  
萬德周身  
無量度人  
拔生死苦

〔跪〕

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

〔起〕

演龍章 鳳塚徧 混元初太極之先

靈文毓秀始青天 玄妙理億萬餘言

十七光明神通現 三十種功德無邊

三乘妙法玄又玄 五品內窮劫難言

〔跪〕

(主白)

《主科》放下如意

轉取手爐

贊嘆已周。恭對道前。仰干除罪。  
眾弟子等。稽首皈依。虔誠上啟

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐

轉取如意

(眾和)

弟子等伏聞。造道成真。蓋本過尤之  
寡。從生入死。端由踐履之乖。性一  
從則積甚於丘山。心一悔則罪釋渙  
如冰雪。故本行經教之昭示。乃罪福  
因緣之了明。敢不萌<sup>盟</sup>於悔心。仍復由  
其從性。投誠懇切。望聖矜憐。十惡

五逆。隨跪拜以消除。三業六根。逐稱揚而洗蕩。不敢覆藏而自隱。悉皆首露以力陳。庶沐慈悲。特垂原赦。伏愿萬目千條之罪。言下立消。多生歷劫之愆。道前咸滅。更盡未來之世。長爲無過之人。與道合真。去聖不遠。上及九玄七祖。普同六道三涂。

蠢蠢群生。茫茫下土。悉仗玉皇之  
大德。同消曠劫之深愆。寡悔寡尤。  
盡善盡美。弟子等。下情無任懇祝之  
至。普與過往祖先。見存眷屬。塵寰  
品彙滙。長夜幽魂。傾倒虔誠。皈依信

禮。  
〔起〕

志心皈命禮

玉皇大天尊玄穹高上帝

願各各明了罪福因緣

志心皈命禮

玉皇大天尊玄穹高上帝

（以下每名稱此和天尊聖號各一拜）

願是諸惡業悉皆消滅

願五逆十惡悉皆消滅  
願一切惡業悉皆消滅  
願能滅惡心信向是經  
願無邊聖教累承救拔  
願上聖殊恩得離地獄  
願塵沙惡業隨心消滅  
願曠劫已來罪消滅

願從無明性罪消滅  
願六塵徧染罪消滅  
願三業縈纏罪消滅  
願肆意任心罪消滅  
願曾無覺悟罪消滅  
願日積月深罪消滅  
願背道違真罪消滅

願順邪棄正罪消滅  
願舉心運念罪消滅  
願不孝父母罪消滅  
願不敬三寶罪消滅  
願殺生偷盜罪消滅  
願邪淫妄語罪消滅  
願剛強暴惡罪消滅

願無恭敬心罪消滅  
願出誹謗語罪消滅  
願穢手污觸罪消滅  
願葷口讀誦罪消滅  
願講習俗語罪消滅  
願共生戲笑罪消滅  
願罰墮地獄中罪消滅

願罰生 餓鬼中 罪消滅

願罰生 畜生中 罪消滅

願罰生 邊夷外域中 罪消滅

〔跪〕

〔誦〕

真心清靜道為宗  
譬比中天水月同  
淨掃浮云無點翳  
一輪光滿太虛空  
天尊德相難盡讚揚  
今有開懺意文披宣  
伏望諸大天尊俯垂洞鑒

〔打魚兩聲 示意全體俯伏〕

《主科》唵開懺意文

意文

太上混元道德清靜真一不二法門嗣派  
全真演教叨承科範事 加國溫哥華三清

觀

衆弟子等

誠惶誠恐稽首頓首俯伏百拜

上言

伏以 玉燭輝騰在至誠而可格 金爐香

靄惟精潔以能通用展蕪詞上陳葵意、今

奏為(三清觀地址)三清觀

衆弟子等

敬求消災

保安集福迎祥事、設供本觀

衆弟子等

供奉

高上玉皇宥罪寶懺玄科全堂

本觀

衆弟子

等  
暨合醮信人等、同誠焚香叩干、聰聽

竊念衆等生逢盛世、運際昌期、感天地  
覆載之深仁、荷日月照臨之厚德、沾恩  
有自報答無由、謹于本月吉日吉刻、恭  
就本觀、鋪設瑤壇

朝禮 諸天列聖高真 上奉

高真下迎景貺

弟子等

謹領誠詞依科宣奉

虔具香花品供、凡儀百拜上奏

大羅三清三境三寶天尊

玉皇大天尊玄穹高上帝

太上三元三品三官大帝

聖德巨光天后圓明道姥元君  
萬星教主中天紫微大帝  
南宸北斗六司七元列聖星君  
南上司祿延壽益算度厄尊神  
三台華蓋星君  
東嶽天齊威權自在天尊  
太乙救苦天尊青玄上帝  
九天應元雷祖應化天尊  
北方真武玄天上帝  
忠義仁勇關聖帝君  
九天開化文昌帝君

護國庇民天后聖母元君  
開悟傳道正陽垂教帝君  
燮元贊化純陽孚佑帝君  
南宗北派列聖仙真  
萬地教主后土皇靈神祇  
玄門護法太乙雷聲應化天尊

暨 諸天列聖仙真

恭望

鴻慈俯垂 洞鑒〔打魚兩聲〕 示意全體俯伏經生回復

跪誦姿勢

伏願鑒茲葵藿之忱錫以方來之

福俾令衆等 星庚光彩鴻運 亨嘉凡在

光中全叨  
巨庇謹表以  
聞

天運××年××月××日

有開讖

表文具

〔登寶座〕 《主科》揖

《主科》向意文虛書〔勅令上奏昊天通明宮〕

《主科》放下意文轉取如意 〔起〕

《主科》放下如意 轉取手爐

《主科》三跪九叩

開懺功德。不可思議。諸天諸地轉靈  
機。本觀壽夭齊。大道慈悲。萬化樂  
雍熙。

《主科》放下手爐 轉取如意

〔打魚兩聲 示意全體收經〕

〔打魚兩聲 示意經生、主科順序出壇〕

《主科》三跪九叩

## 玉皇讚

稽首皈依天中尊 妙相光明如月輪  
歷觀諸天持世界 普施法力濟群生  
蠢動含靈咸得度 四生六道盡沾恩  
我今稽首皈命禮 志心稱念玉皇恩

〔跪〕

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

皈命禮道寶。郁羅蕭台上。太極含三  
包羅森萬象。志一心誦持懺。除身業

罪。是故皈依。長福消災障。

玉皇赦罪大天尊 「三稱」

(主白)

《主科》放下如意

轉取手爐

除罪已周。恭對道前。仰干斷障。  
眾弟子等。稽首皈依。虔誠上啓。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐 轉取如意

(眾和)

弟子等伏聞。障未斷則蔽塞昏迷。礙  
一除則通達明了。陰霾迷去而日復晴  
朗。浮雲散而天自光輝。倘未掃除。  
寧免固蔽。心未同於天日。障當去於  
雲霾迷。仰元聖之垂慈。宣斷障之妙法。

俾諸塵之無起。庶真境之自明。奈何  
凡夫之愚迷。不能按法以修習。未免  
緣情而逐境。安能澄慮以凝神。容夫  
外邪。亂其至道。敗靈根而盜至寶。  
入俗網以墮凡流。萬魔來攻。一真遂  
失。倘匪沐陶鎔之德。豈能成斷障之  
功。按妙典以懺除。求諸障而掃蕩。

爰伸懇告。悉丐矜憐。伏願 錫智慧  
劍以斷除。庶煩惱障而消滅。掃開浮  
翳<sup>藝</sup>。使慧日之光華。拂拭<sup>息</sup>塵勞。俾心  
珠之瑩徹。凡身清淨。道果圓成。普  
同幽顯之兩途。俱識圓明之一性。永  
無輪轉。長獲逍遙。弟子等。下情無  
任。懇祝之至。普與過往祖先。見存

眷屬。塵寰品彙滙。長夜幽魂。傾倒虔誠。皈依信禮。  
〔起〕

志心皈命禮

玉皇大天尊玄穹高上帝

願無起疑惑 願無起貪嗔

志心皈命禮

玉皇大天尊玄穹高上帝

(以下每句稱和天尊聖號人各一拜)

願無起淫欲

願無起嫉妒

願無起殺害

願無起凡情

願無起凡思

願無起昏垢

願無起聲色

願無起是非

願無起憎愛

願無起分別

願無起高慢

願無起執著

願凝神澄慮

願萬神調伏

願心若太虛

願內外貞白

願身得清淨

願超度諸難

願得睹慈顏

願咸蒙護度

願普聞妙法

願親奉供養

願永無流轉

願惡根斷絕

願玄都記名

願諸念不生

願萬緣頓息

願捨除妄想

願受持是經

願無所不容

願無所不納

願外邪不亂

願真宗不失

願靈根不敗

願不墮凡流

願不入俗網

願萬魔不攻

願得聞正法

願捨除結習

願修諸妙行

願具解脫門

願同清淨信

願同清淨解

願同清淨念

願同清淨行

願同清淨身

願同清淨心

願同清淨意

願同清淨果

願同清淨報

願同大慈心

願同大悲心

願奉戒專一

願冥心大道

願善護真宗

願孝養父母

願恭敬三寶

願竭忠於君

願不殺不盜

願不淫不妒

願不嗔不恨

願不驕不詐

〔跪〕

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

皈命禮經寶。紫微瓊台上。鳳蒙龍章  
諸天法輪轉。志一心誦持懺。除心業  
罪。是故皈依。長福消災障。掌〔起〕

玉皇修證在香巖。普放神通十七光  
爲教眾生除斷障。法門眞一廣宣揚

《二手》不可思議功德

〔跪〕

(主白)

《主科》放下如意

轉取手爐

斷障已周。恭對道前。仰干消災。  
眾弟子等。稽首皈依。虔誠上啓。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐 轉取如意

(眾和)

弟子等伏聞。無形無名。獨高曰道。  
有體有相。寧免乎災。天地猶有否終。  
日月亦有薄蝕。矧疹為人類。各幻豢凡軀。  
不能離乎數。而超乎緣。未免屬於星。  
而隨於運。前定之薄。夙緣之重。次  
舍以逆。時命以乖。豈免乎災。寧逃

乎難。大而水火盜賊。甚則疾病逃亡。  
六極五衰。七傷八難。三災四煞。九  
厄十纏。鍾於國而國不能安。移於歲  
而歲不能稔。稔兵戈水火。饑饉流離。  
既遵奉於教條。當懺禳於災厄。伏願  
咸蒙護度。悉獲消除。回定數而解前

緣。退威星而平舛<sup>喘</sup>運。在於一己。餘  
殃以弭<sup>米</sup>。而厄會以消。散及萬殊。劫  
運可逃。而洪災可免。安處塵寰。而  
動與吉會。至度道岸。而無使災侵。  
己健人安。天長地久。弟子等。下情  
無任。懇祝之至。普與過往祖先。見

存眷屬。塵寰品彙滙。長夜幽魂。傾倒  
虔誠。皈依信禮。  
〔起〕

志心皈命禮

玉皇大天尊玄穹高上帝

願苦惱痊平普蒙解脫

志心皈命禮

玉皇大天尊玄穹高上帝

(以下每一句話稱此和天尊聖號各一拜)

願山神衛護猛獸自退

願風浪頓止安穩達岸

願是諸惡賊悉自退散

願冤枉自伸即得解脫

願眾邪遠避自然安穩

願一切災殃不能侵近

願一切重病自得痊愈  
願諸惡鬼神盡自消滅  
願咒詛佐蠱毒皆自消滅  
願至度道岸無使災侵  
願保命度災掃諸不祥  
願一切災魔自然殄滅錢  
願消兵戈並起之災

願消疫氣大行之災  
願消水旱虫蝗之災  
願消凶年饑饉之災  
願消種種惡病之災  
願消疥癩癰疽雍追之災  
願消憂悲苦惱之災  
願消橫惡所加之災

願消牢獄繫鎖之災  
願消非命自害之災  
願消毒藥所殘之災  
願消虎狼虫蛇之災  
願消冤債牽引之災  
願消值遇惡人之災  
願消被他屠割之災

願消推落崖岸之災  
願消邪精殘害之災  
願消水火漂焚之災  
願消刀兵誅戮<sup>六</sup>之災  
願消橫喪天年之災

〔跪〕

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

皈命禮師寶。白玉龜台上。演法傳經  
普度人無量。志一心誦持懺。除口業  
罪。是故皈依。長福消災障。掌

(主白)

《主科》放下如意

轉取手爐

消災已周。恭對道前。仰干集福。  
眾弟子等。稽首皈依。虔誠上啟。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐

轉取如意

(眾和)

弟子等伏聞。福力崇高。始有福緣之  
集。善念圓熟。方期善瑞之臻。非天  
人而莫征。惟仙徒而可繼。既未積修  
真之行。而素虧好道之心。寧免禱求  
以干敷錫。按妙經之所載。謂持誦而  
後能。既已歸崇。粗知習誦。罪福兩

途。罪既除則福必蒙賜。災祥二理。  
災既消則祥必可儲。既除罪於前。定  
消災於後。諒蒙慈憫。必徇懇陳。敢  
伸禮拜之恭。庶沐簡穰之降。露香懇  
請。望帝仁慈。伏願 德湛龐洪。恩施  
曠蕩。祥風廣扇。普萬物以咸庥。惠  
澤旁霑。俾一門而胥慶。須五福斂賜。念

而凡民均樂。百祥來集。而後裔繁昌。  
世躋仁壽之鄉。長享綿延之福。如居  
塵外。不異玄中。弟子等。下情無任。

懇祝之至。普與過往祖先。見存眷屬。

塵寰品彙<sup>滙</sup>。長夜幽魂。傾倒虔誠。皈

依信禮。

〔起〕

志心皈命禮

玉皇大天尊玄穹高上帝

願安樂快然神風遐著

志心皈命禮

玉皇大天尊玄穹高上帝

（以下每名稱此和天尊聖號各一拜）

願貴遇人君職務遷轉

願財寶充溢衣食自然  
願慶流子孫傳之後代  
願是諸惡星返降吉祥  
願心欲願者一切如意  
願衣食自然子孫榮貴  
願出言希聞所至恭敬  
願顯貴崇重光大其門

願吉祥熾盛災障不侵  
願道根深重夙有善緣  
願宿植道本廣種福田  
願心有所請一切應奉  
願仙丹妙寶隨意自取

〔跪〕

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

〔起〕

酬天地 蓋戰恩 蒙日月照臨身形

中華水土萬萬春 報父母養育深恩

四重大恩實難報 登寶殿 諷演仙經

家庭

焚香禮拜眾高真 求懺悔罪滅福生

〔跪〕

(主白)

《主科》放下如意

轉取手爐

集福已周。恭對道前。仰干滿願。  
眾弟子等。稽首皈依。虔誠上啟。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐 轉取如意

(眾和)

弟子等伏聞。眾寧無願。惟所願之不同。人各有心。豈其心之可一。墮者欲升。而賤者欲貴。貧者欲富。而苦者欲安。或求證道成真。或務濟民利物。各有所求。豈無願者。必待其滿。而後釋然。仰惟妙道垂慈。能遂眾生。

所願。敢伸致禱。曲賴昭孚。伏願俯  
察凡情。特垂天聽。隨機赴感。應念  
從心。或利己利人。或為幽為顯。悉  
令志滿。毋使願違。弟子等。下情無  
任。懇祝之至。普與過往祖先。見存  
眷屬。塵寰品彙滙。長夜幽魂。傾倒虔  
誠。皈依信禮。

〔起〕

志心皈命禮

玉皇大天尊玄穹高上帝

願天下歌謠欣國太平

志心皈命禮

玉皇大天尊玄穹高上帝

（以下每一句稱此和天尊聖號各一拜）

願地獄眾生化生諸天

願三惡道苦一時解脫  
願普為十方演說諸法  
願六凡四聖普叨道蔭  
願普放神光照燭法界  
願聖賢慶會普天興隆  
願國土清平人民樂業  
願凶寇自息邊域不爭

願運推數周正道當行

願一切枯槁稿復生技葉

願短命眾生各得長壽

願六道眾生普蒙開度

願一切天人五衰四相永得除滅

轉增天福

願王臣兆庶即得人天長壽之樂

願身或滅度乃得脫殼尸解之道  
願一切諸魔安處天宮斗戰之苦  
各得休息

願一切眾生離地獄苦得淨土樂  
願一切餓鬼即得飽滿無饑渴惱  
願一切畜生脫畜生苦得智慧樂

〔跪〕

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

〔起〕

經功德 莫可量 上祝筵萬歲民幫

中華悠久與天長 法輪轉永保家幫

文武官僚增祿位 三農美四民安康

河圖獻瑞鳳呈祥 祝民主萬壽無疆

〔跪〕

(主白)

《主科》放下如意

轉取手爐

滿願已周。恭對道前。仰干成真。  
眾弟子等。稽首皈依。虔誠上啟。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐 轉取如意

(眾和)

弟子等伏聞。求道未勤。豈能成道。  
修真有素。自可成真。諦觀本行之經。  
深貴能持之者。凡讀是經。可稱真人  
之號。若習其奧。必臻仙道之成。既  
再三懇請。而斷障消災。當究竟證悟。  
而造玄入妙。爰伸懺謝。以丐周成。

伏愿 道炁咸臻。天福益固。超沉尸  
而起飛魄。游聖域而聽法音。身處五  
雲。神超八極。千靈敬仰。萬神懾伏。  
三界侍衛。五帝司迎。不失人身。克  
成真道。上資家國。下及民生。俱入  
法門。同登道岸。弟子等。下情無任。  
懇祝之至。普與過往祖先。見存眷屬。

塵寰品彙滙。長夜幽魂。傾倒虔誠。皈  
依信禮。  
〔起〕

志心皈命禮

玉皇大天尊玄穹高上帝

願一切人民咸臻道炁

志心皈命禮

玉皇大天尊玄穹高上帝

(以下每句稱此和天尊聖號各一拜)

願白首面皺皆得化度紺禁髮朱顏

願少壯幼稚轉增形容光澤美好

願枯骨更生沉尸飛魂皆起復形

願得生十方諸大天宮

願仰朝上帝各到道前

願嬉游聖域餐聽法音  
願依教奉行登真成道  
願一切玉女持幢下迎  
願獲宿命通遵奉大道  
願展轉修持至登道岸  
願神遷淨土蓮花化生  
願了悟生死深入山林

願天魔外道悉皆懾伏  
願自在逍遙號人中聖  
願德慧長新同諸真人  
願坐招自然天福益固  
願身度三界與道長存  
願得為九天真仙之人  
願天真御幾玉女拂筵

願萬神班列諸天臨軒  
願三界侍衛五帝司迎  
願身處五雲光明赫奕  
願上升天宮眾眞下迎  
願頓得超證無上妙道  
願五帝輔翼召使群仙  
願御役神官運道陰陽

願千靈敬仰萬神懾伏

願百邪避路群魔束形

願逍遙自在與道長存

願得證功德身一切有情被其蔭故

願得證神通身一切吉祥咸臻集故

願得證清淨身是諸惡業不能侵故

願得證威德身天魔外道不能攝故

願得證無等身上帝遙唱萬神敬故  
願得證堅固身惡劫大難不能損故  
願得證道藏身口出言語鬼神仰故  
願得證慈悲身六道眾生賴期善故  
願得證大道身出入所在無怖畏故  
願得證良醫身善行妙法安樂人故  
願得證光明身常為帝光所攝受故  
願得證自在身天宮妙境神能游故

# 志心皈命禮

太上彌羅無上天。妙有玄真境。渺渺  
紫金闕。太微玉清宮。無極無上聖。  
廓落發光明。寂寂浩無宗。玄范總十  
方。湛寂真常道。恢漠大神通。  
玉皇大天尊。玄穹高上帝。

〔起〕

(讚)

《主科》三跪九叩

玉匱金科。靈文寶傳。大興方便利人  
天。十極護陶篇。齋誦精虔。國土慶  
豐年。

《二手》朝禮

玉皇赦罪大天尊

「三稱」

〔跪〕

(主白)

誠真已周。恭對道前。仰干結意。

《主科》放下如意 轉取意文

〔誦〕

真心清靜道為宗  
譬如中天水月同  
淨掃浮云無點翳  
一輪光滿太虛空  
天尊德相難盡讚揚  
今有結懺意文披宣  
伏望諸大天尊俯垂洞鑒

〔打魚兩聲 示意全體俯伏〕

《主科》唵結懺意文

意文

太上混元道德清靜真一不二法門嗣派  
全真演教叨承科範事 加國溫哥華三清

觀

衆弟子等

誠惶誠恐稽首頓首俯伏百拜

上言

伏以 玉燭輝騰在至誠而可格 金爐香

靄惟精潔以能通用展蕪詞上陳葵意、今

奏為(三清觀地址)三清觀

衆弟子等

敬求消災

保安集福迎祥事、設供本觀

衆弟子等

供奉

高上玉皇宥罪寶懺玄科全堂

本觀

衆弟子

等

暨合醮信人等、同誠焚香叩干、聰聽

竊念衆等生逢盛世、運際昌期、感天地  
覆載之深仁、荷日月照臨之厚德、沾恩  
有自報答無由、謹于本月吉日吉刻、恭  
就本觀、鋪設瑤壇

朝禮 諸天列聖高真 上奉

高真下迎景貺

弟子等

謹領誠詞依科宣奉

虔具香花品供、凡儀百拜上奏

大羅三清三境三寶天尊

玉皇大天尊玄穹高上帝

太上三元三品三官大帝

聖德巨光天后圓明道姥元君  
萬星教主中天紫微大帝  
南宸北斗六司七元列聖星君  
南上司祿延壽益算度厄尊神  
三台華蓋星君  
東嶽天齊威權自在天尊  
太乙救苦天尊青玄上帝  
九天應元雷祖應化天尊  
北方真武玄天上帝  
忠義仁勇關聖帝君  
九天開化文昌帝君

護國庇民天后聖母元君  
開悟傳道正陽垂教帝君  
燮元贊化純陽孚佑帝君  
南宗北派列聖仙真  
萬地教主后土皇靈神祇  
玄門護法太乙雷聲應化天尊

暨 諸天列聖仙真

恭望

鴻慈俯垂 洞鑒〔打魚兩聲〕 示意全體俯伏經生回復

跪誦姿勢

伏願鑒茲葵藿之忱錫以方來之

福俾令衆等 星庚光彩鴻運 亨嘉凡在

光中全叨  
巨庇謹表以  
聞

天運××年××月××日

有結讖

表文具

〔登寶座〕 《主科》揖

《主科》向意文虛書〔勅令上奏昊天通明宮〕

《主科》可親自焚燒意文或由侍壇代焚

《主科》取手爐

(主白)

眾弟子等。稽首皈依。虔誠上啟。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊

寶月光皇后聖母元君  
經筵啟問無鞅真聖  
侍宸拱御諸位真仙  
三寶三界一切真靈

《主科》放下手爐

轉取如意

(眾和)

弟子等伏聞。玉帝功德大。能救度於  
眾生。凡俗罪愆深。敢歸投於洪造。  
既極稱揚之力。復伸懺謝之誠。諒沐  
慈悲。特垂赦宥。罪福之緣。可得明  
了。障礙之因。悉皆斷除。保命度災。  
延祥集福。在心之愿得滿。修真之道

可成。豈匪因緣。實為慶幸。尚賴始  
終之相佑。必令懇禱之昭通。無愿不  
從。有求皆應。保天長存。而昌運再  
啟。致國太平。而凶寇自夷。九幽破  
壞。長夜光明。五福念斂錫。兆民歌唱。  
祖宗升度。眷屬壽康。財寶充溢。而  
衣食自然。子孫榮貴。而吉祥熾盛。

善芽增長。道果圓成。等與群生。普  
霑聖澤。弟子等。下情無任。懇祝之  
至。誠惶誠恐。稽首頓首。百拜謹言。

〔起〕

大哉至道 無宗上真 上度諸天  
下濟幽魂 上無師祖 惟道為身  
丹台紫府 金闕玉京 秘此妙法  
溥福含靈 滅我萬罪 增我遐齡  
萬神朝禮 魔王保迎 功德昌盛  
黃籙書名 渺渺億劫 使我常存

〔跪〕

(主白)

《主科》放下如意

轉取手爐

結意已周。恭對道前。仰干回向。

向來禮懺功德。無量殊勳。謹以歸命。

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊  
寶月光皇后聖母元君  
經筵啟問無量真仙  
侍宸拱御諸位真仙  
三寶三界一切真靈

《主科》放下手爐 轉取如意

（眾和）

恭望 天慈洞回昭鑑。以茲功德悔過。  
消災延生集慶。伏愿 凡情感通。

上帝矜憐。障業斷除。冀功成而滿愿。  
吉祥駢集。獲增福以消災。九祖超升。  
闔門康泰。身心清淨。處世昌隆。一  
切有情。成無上道。至心稱念。〔起〕

三清應化天尊 「三稱」

玉光普照天尊 「三稱」

《二手》覃恩不可思議功德

(讚)

《主科》三跪九叩

玉皇大懺。宥罪消愆。虔誠禮拜。福無  
邊。首露眾真前。萬淚地纏。滿愿欲  
飛仙。

《二手》朝禮

玉皇赦罪大天尊 「三稱」

祝壽讚

眾仙同日詠霓裳  
火棗交梨陳寶座  
乘鸞跨鶴臨仙府  
天上蟠桃開盛會  
不生不滅天同壽  
排雲馭氣臨凡界  
塵世有緣宏普度  
九天閭闔開宮殿  
一滴楊枝消億劫  
乞施法力行方便  
世界昇平芸庶樂  
虔祝千秋無量壽

水瑟雲璈並鼓簧  
杯傳玉液注瓊漿  
九如晉祝紫霞觴  
人間蔬果薦馨香  
常靜常清地道光  
走筆飛鸞降帝鄉  
安排寶筏與慈航  
萬姓衣冠禮法王  
諸般熱惱化清涼  
廣庇群生弭國殤  
民康物阜卜豐穰  
天人共慶達康莊

(讚)

《主科》三跪九叩

慈悲妙懺。萬德宏名。靈文十卷議幽  
精。事理悉圓明。冤孽永清。利益諸  
有情。

《二手》朝禮

玉皇赦罪大天尊 「三稱」

【二手叮叮 全體經生 三跪九叩】

《主科》放下如意 轉取手爐

《主科》三跪九叩

結懺功德。不可思議。諸天諸地轉靈  
機。本觀壽夭齊。大道慈悲。萬化樂  
雍熙。

《主科》放下手爐 轉取如意

〔打魚兩聲 示意全體收經〕

〔打魚兩聲 示意經生、主科順序出壇〕